

ERESI ESNAGARRI

Norbert Tauer'i, bere euskeltzaletasunagaitik, eskerkiz.

OTSALAR'ek.

Smetana aundia, zer dakardika gau ontan ?
Moldavia'k daraman doñu berezi otsa,
ain sakonki astintzeko gaur nire biotza.
Zer arkitzen diat ire eresi entzungarri ortan ?

Bohemia'ko bioliñen doñua negarti,
errekaren eten gabeko marmarioak apaindua
Checo-erri zintzoaren gogo eta naia,
agirian duelarik bere tolezkaitasun arrigarri.

Leiarrezko ereskieak zorrozki zulatuz,
nire erraietaraño miñaren miñez sakonduz ;
gau onen beltzean, beste gau bat sortuz.

Smetana'k edan zun ur garden ori
Eslava'ko ibai korronteruntz da izuri.
Moldavia ! I aiz, i, erri jarraigarri baten iturri.